

COMMENTATIONES

SOCIETATIS REGIAE SCIENTIARUM

GOTTINGENSIS

RECENTIORES.

VOLUMEN V.

AD. A. MDCCCXIX — XXII.



CUM FIGURISS.

GOTTINGAE

APUD HENRICUM DIETERICH.

MDCCCXXIII.

M E M O R I A
FRIDERICI BENJAMIN OSIANDRI
 IN
 CONSESSU SOCIETATIS REGIAE SCIENTIARUM
 D. X V. J U N. M D C C C X X I I .
 COMMENDATA
 INTERPRETE
J O. F R. B L U M E N B A C H.

Est inter veteris Latii inscriptiones sepulcrales in primis vna brevis ea sed animum mouens, ad viam Appiam his verbis concepta:
T. LOLLIUS T. LOLLII F. HIC PROPTER VIAM POSITUS VT DICANT
PRAETEREUNTES LOLLI VALE.

Congruum hoc cogitanti homini votum vt toties eius varia occasione data memini, ita et viuidissime obuersabatur animo cum triste mihi incumberet officium collegae desideratissimo hodierno confessu elogium dicere, cui quidem ea voluntate satisfacere studui, vt et auditores, et si qui olim etiam sint lectores, itidem eodem pio et beneuolo animo dicant OSIANDER vale.

Et quidem huic negotio non imparem censem, qui norent me optimo viro per 30 fere annos non collegiali tantum verum et arctiore et amicissima familiaritate coniunctum fuisse, ita vt de indole et ingenio eius, aequa ac de studiorum suorum ratione qua ad tantum in arte quam exercebat salutifera

137. v. 137. 137.

fastigium peruenit, quo de disciplinis quas profitebatur et tam scribendo quam docendo illustrabat, aequae ac de vniuersitate nostra litteraria et nobili eius cui praeerat instituto obstetricio, — tum et quod proxime ad nos attinet, de sodalito nostro, commentationibus in confessu societatis statuto ordine et religiose recitatis, multimode et impense meruit, — vt inquam de his si quis aliis candide et vere referre me posse confidam.

Natus est, cuius iacturam lugemus FRID. BENJ. OSIANDER anno superioris seculi 59° Zellis Würtenbergiae, patre Jo. RUDOLPHO, postmodum archidiacono Kirchhemensi, matre ex stirpe ZEYERIA, filia diaconi Esslingenensis.

De iuuenili eius institutione hoc praesertim commemorare liceat quo quidem artis salutaris studiosis tanquam exemplar ad imitandum proponi poterit, quod nempe mature iam gustu et amore latinae linguae imbutus fuerit, cui praesertim antequam academiam peteret in coenobiali schola quae Denkeldorfii floret, strenue operam dabat, et haud vulgarem eius peritiam inde partam senioribus adhuc annis, vt in aliis scriptis latine exaratis ita et in docto et passim festiuo epigrammatum opere comprobauit *).

Postquam studio medico cui se iam a prima iuuentute voverat, tam in patria Tubingensi academia quam in Argentora-

*) Praeter alia vero quae iuuenem medicum studio suo aptiorem redundant, graphicae quoque imo et plasticae arti subsecuas impedit horas et utilia postmodum in vtraque arte specimina, tum iconum ad illustranda scripta sua delineatione, tum et hysteroplasmatum configuratione exhibuit.

tensi sedulo incubuerat, et in primis arti quoque obstetriciae operam dederat, a. 79^{no} Kirchhemium reuersus, prixin medicam exercere cepit.

Degebat ibi tum temporis vir memoratu dignissimus, Georgiae nostrae Augustae ante hos 70 annos alumnus, Baro DE PALM, in otio quo frui fortuna ipsi concesserat minime otiosus et bonarum litterarum, in primis latinorum auctorum classicorum studiosissimus, idemque in indigos bene merentes clam et occulte sed largiter beneficus.

Hic, postquam OSIANDER noster *) in eius notitiam venerat seque huic Maecenati maxime eodem latinae linguae amore commendauerat, et quod artem salutarem quam profitebatur cum politioribus litteris coniungeret, auctor ipsi suaforque fuit et sumptus eo fine praebebat, ut adhuc vnam alteramue celebrem in Germania scholam obstetriciam frequentaret.

Petuit eo fine Cassellas ubi per quinos continuos menses instructione et familiaritate Gⁱⁱ W^{mi} STEIN sen., celebris ea aetate magistri obstetricii, itidem ex schola Gottingensi profecti, vtebatur.

Dehinc in patriam reuersus per decennium non artem solum felici cum successu exercuit verum et scriptis ad eam facientibus litterato orbi medico tam laudabiliter innotuit ut a. 92 post discessum FISCHERI quondam nostri qui hactenus hospitio obstetricio praefectus erat, in eius locum huc euocaretur.

Et quidem hocce Xenodochium iam anno superioris seculi 51 minore quidem tum temporis modulo institutum, eatenus in

*) Qui et post fata PALMI memoriam eius grato animo in promptuario Hannouerano a. 1819 p. 993 — 1026, recoluit.

in historia artis obstetriciae memorabile dicendum est quod tunc in Germania primum fuerit non tantum informandis matronis obstetricibus sed maxime erudiendis iuuenibus medicinae studiosis destinatum *).

Postquam vero a. 85 Regis ordinumque prouincialium munificentia nobile quo iam Georgia Augusta gaudet obstetricantium hospitium exstructum esset, primus id habitauit et instituit OSIANDER **) qui quidem, quam impense et multifarie tam longa annorum serie exemplari assidua et sollicita directione eius tum docendo et circiter ter mille tironum medicorum in arte sua instruendo, tum et admiranda in eius exercitio dexteritate et inde pendente securitate matres et earum partus seruando reipublicae et humanitati profuerit, vel exinde computare licebit, quod ex octogenis et saepius centenis puerperis quae quovis anno partus suos in hoc Lucinae sacrario enixa sunt saepe per integros annos ne vna in eo hospitio obiuerit, maxime vero ex eo, quod persena illa quibus eo profuit lustra, nunquam crudeli multorum artis obstetriciae magistrorum encheiresi, aut partum adhuc in alio materno haerentem dissecare et exenterare aut caput eius perforare et excerebrare ***) aut brachium auellere necesse duxerit, contra vero forcipis a se perfecti, quem manus suas artificiales

*) Cf. OSIANDRI *Denkwürdigkeiten*. T. I. introduct. p. XL.
et EJ. *Geschichte der Entbindungskunst* p. 454.

**) Cf. *Denkwürdigkeiten* I. c. p. LVII.
et cl. SAALFELD *Geschichte der Univers. Göttingen v. 1788 - 1820.*
p. 452.

***) Inprimis vero perforationem capitis proni, versione nascendi infantis in pedes vitare docuit, et saepe eam encheiresin felicissimo cum successu ipso capite praevio iam in aperturam pelvis superiorem incuneato, exercuit.

appellare solebat, tempestiuo et cauto adminiculo innumeros partus ex difficultibus faciles reddiderit.

Verum praeter forcipem hunc, qui, vt alia quibus se commendat commoda taceam, inprimis praeter iuncturae rationem eo a prioribus differt, quod cochlearia eius vt vocantur non fenestrata sint, plura adhuc ad artem obstetriciam facientia instrumenta et utensilia aut primus inuenit aut saltem emendauit et perfecit *) quorum vberiores descriptiones et iconismos vt variis suis scriptis ita nominatim in commentationibus Regiae Societatis ipse exhibuit.

At enim vero non satis ipsi erat tirones medicos tantum in empirica encheiresi obstetricia erudire et exercere, verum et iis solidiori fundamento nixam grauissimae disciplinae doctrinam tradere, cui quidem scopo inprimis inferuiebat ditissimus praeparatorum anatomicorum et pathologicorum thesaurus, quem partim proprio et indefesso studio collegerat, partim magno aere aliorum coemerat et nunc in eundem usum filio JOANNI FRIDERICO paternae doctrinae et artis heredi felicissimo, collegae nostro coniunctissimo, legauit.

Quum autem praeterea in vniuersa qua late patet disciplina medica rite imbutus et versatus esset, scriptis quoque vix vnum alterumue eius campum liquit intentatum **).

*) Conf. de pluribus eorum, v. c. de instrumento Ofiandri dilatatorio et introductorio, acu adoperta rumpendis velamentis inferuiente, hysterotomio, cliseometro, peluimetro, et statera ad examinandum neonatorum infantum pondus, praeter enchiridion artis obstetriciae, commentationum recentiorum Soc. Regiae vol. I. et III. et descriptionem sellae obstetriciae infra dicendam.

**) Accuratum scriptorum eius indicem exhibet cl. SAALFELD l. c. p. 369 - 73. et 626 sq. quibus postea accesserunt adhuc (praeter varia promtuario Hannouerano a. 1820 et 21. inserta) sequentia:

Et quidem mirationem subit in omnibus eius scriptionibus infinita lectionis varietas, eaque non e libris tantum hausta proxime ad studia quibus se voverat facientia, sed magnam quoque partem ex promtuariis miscellis periodicis et plagulis ephemeredum publicarum, quas quidem non aliorum modo tantum obiter percurrere, verum sedulo excerpere et in horrea sua congerere solebat, ut si res postularet inde statim depromere posset.

Et si in his parergis passim eum *extra oleas vagari* videamus, si que subinde etiam iocos salesque admiscuerit quales quidem inter priuatos parietes et familiarium colloquia magis opportunum locum habere videri possunt seuero censori, quam in operibus de grauissimis disciplinis in quibus huiusmodi ornatum potius *res ipsa vetat, contenta doceri*, QUINTILIANI tamen in *institutionibus* exemplum suo modo sequutus ideo ea admiscuisse videtur, *ut scil. hoc ipso alliceret lectores si ducti iucunditate aliqua lectionis, libentius discerent ea, quorum ne ieiuna atque arida traditio auerteret animos, verebatur.*

Qui vero OSIANDRUM vnice ex scriptis suis et non ut quidem ego familiarius norunt, mirabuntur forte rixas et contentiones quas passim, et senioribus praefertim aetatis suae annis cum pluribus — ne dicam plurimis coaeuorum per Germaniam de arte obstetricia auctorum habuit.

65) *Veranlassung zu einer Reise nach Leipzig.* Tüb. 1820. 8.

66) *De respiratione, vagitu et vi vitali foetus humani inter partum ac confessim post illum series obseruationum, quae ipso hocce volumine continetur.*

67) *Handbuch der Entbindungskunst.* II. Bd. 2te Abtheil. Tüb. 1821. 8.

68) OSIANDER's *Geburtsstelle.* ibid. eod. 8. c. fig. aen.

et 69) *CHRISTUS aufblickend zu seinem Vater und zu unserm Vater.* Gotting. eod. 8.

Et ipse quidem pro meo ingenio ab omni litteraria lita alienissimo has collegae carissimi disceptationes semper inuitus valde et passim non sine dolore obseruauit. Attamen nec pauca nec leuia mihi sunt eas in eo quodammodo excusandi argumenta.

Primum enim ipsae hae contiouersiae magnam partem non tam versabantur circa theoreticas ut vocantur hypotheses quam super artis salutiferae ad leuanda vitae humanae incommoda et ad sanitatem ipsamque vitam seruandam grauissimis quaestioneibus.

Tum vero accedit quod in plerisque huiusmodi dissidiis noster ab aduersariis primo laessitus vnicē sui defensor iniurias repellere et *parta tueri* sategerit.

Et si quandoque fauorabilem opinionem quam de vno alteroue eorum antea habuerat, postmodum mutare visus est, non statim ideo inconstantiae aut leuitatis taxandus, siquidem (ut ERASMI mei verbis vtar, quibus similem reprehensionem sibi factam absurgit) *Si quis laudet vinum probum, an is post accusabitur vanitatis, si contingat vinum aceescere?*

Cumque OSIANDRO esset temperamentum quod aiunt sanguineo cholericum, hoc ipsum eum ab vna parte non nimis providum deliberatorem multumque in posterum prospicientem sed genio suo facilis indulgentem, ab altera vero aliter sentientium minus tolerantem et irae passim praecipitem reddidit.

Quo maiori autem pollebat facilitate scribendi eo minus datum iphi erat criticas eiusmodi animaduersiones diutina circumspetione in annum premere, et in his quoque ipsum illud consilium sequi quod tanquam symbolum 2^{do} volumini enchiridii obstetricii verbis TACITI praefixerat: “*compositius cuncta, quam festinantis.*”

Quantum vero reuera abfuerit probissimus vir ab omni animo hisce contiouersiis alii opinioni addictos vulnerandi, mihi quidem

vel exinde persuasissimum est, quod et non semel neque admodum molliter de meis super variis quaestionum anatomicarum et physiologicarum placitis, a quibus dissentiebat iudicauerit; quem ceteroquin sincerissima amicitia sua et officioso quoquis occasione inferiendi studio per 30 annos, et quod extremis quas ad me dererat litterulis adhuc sancte testabatur, ad ultimum vitae hali- tum candide seruata, amplexus est.

Quae OSIANDRO contigerat robusti corporis constitutio, quantum ad artis suae exercitium ipsi profuerit faciles dabunt eius periti qui norunt quantum virium in partu difficiili expediendo, vel ad centenos subinde forcipis ope peragendos tractus requiratur, ut noctes taceam insomnes quarum eum ad quadraginta circiter et ultra quoquis anno dum hospitio obstetricio praefuit, per- egisse scio.

Quamquam vero ex pluribus iam annis subinde variis affice- retur minoris grauiorisque interdum momenti aegrotationibus nullatenus tamen his indulgere aut ideo a multifariis quae ipsi incumbebant officiis se auocare passus est; verum strenue in iis perststit, quid quod et senioribus annis vix conualescens non unum et quidem satis longum iter, ad matronas exteris, grauiter de- cumbentes euocatus, instituerit.

Sub ingressum vero ultimi vitae anni, qui aetatis suae 63^{ius} erat, quemque vulgo tanquam climactericum magnum pro anci- piti et quasi decretorio habere solent, noster quoque non semel de eius in vitae humanae curriculo dignitate mecum colloquu- tus, sodalitio etiam nostro commentationem de eo argumento ex- hibere studuit, imo et iam lectulo constantius adfixus filio caris- simo quem iam honoris caussa nominaui commisit ut eo scopo monographias quotquot de eo argumento in ditissima Georgiae Augustae bibliotheca asseruantur, conquereret.

Et quidem praeter haemorrhoides quibus pridem laborauerat, primum iam vere anni praeteriti diutino vexabatur diabete cum faucium siccitate et inexplebili siti coniuncto.

Morbo hoc, et si per interualla, longius serpente obseruabilis simul erat in optimo viro singularis in quibusdam animi propensionibus mutatio. Frigus, ne dicam taedium, in rebus quibus hactenus cum voluptate delectabatur, ut florum et frugum cultura, tabularum pictarum quarum ipse numerum haud paruo aero sibi comparauerat contemplatio, imo vero quod longe magis dolendum videbatur, tacita quaedam in plures amicorum et familiarium dissidentia, vt pote quos parcus inuiseret et praeter paellectiones et nosocomii indefessam curam se fere totum in cubiculo contineret litteris se inuoluens aut scribens aut legens.

Memorable vero mihi accidit quod cari aegroti filius quem saepius iam laudauit, et quem inter medicos veteres in primis ARETAEUM maximi facere eiusque lectione valdopere oblectari pridem noram, cum eam animi quam dixi in patre mutationem mirarer, statim me moneret, magnum istum medicum Cappadocem inter affectiones diabeticorum nominatim et hoc referre quod *omnia fastidian*, *de omnibus dubitent*.

Sub anni quem viuimus initium scenam mutauit morbus in eo nunc praesertim notabilis quod aeger per integras senas hebdomades ex stomacho fastidente tam diurna corriperetur inedia, ut toto tempore praeter potuienta ab omni victu solidiore plane abstinuerit.

Mentis integritatem quid quod et plerumque suetam hilaritatem ad ultimum vsque diem qui 25^{us} erat m. Martii seruauit intemeratam, ea quam toties in votis habuerat *euθανασια* a summo numine beatus. Cumque ante aliquot annos Salisburgi

versatus praeter alia carbonis lignei virtutem antisepticam et conservatricem in veterum Romanorum quae ibi eruuntur monumentis obseruasset, eamque ex itinere redux multifariis experimentis comprobasset, eaque ad varios usus paelectione in confessu sodalitii nostri habita commendasset *), eandem et proprio funere ultro confirmare et quasi obsignare voluit, adeoque corpus exanime loculo commissum puluere carbonario fagineo condì iussit.

Magno quo fautores, amici, et auditores funus defuncti comitarunt numero, quam cara ipsis sit meritissimi viri memoria testati sunt, cui iam et ego cogitans quo amico, quo viro caream, pia et grata mente ex animo iterum iterumque dico OSIANDER vale, aeternum vale.

*) Cf. adhuc *Götting. gel. Anz.* 1821. p. 1151.

© SUB GÖTTINGEN / GDZ | 2011



QPCARD 2011

